

DONOSTIYAKO GAZTEAK,

Erregeen gurtea edo adoraziyoa, beren egunaren bezpera gabean, 1829-garren urtean.

MARCHA.

Humildes criados, leales, gratos
Errege jaun irurenak,
Há trece dias que caminamos
Oriyentetik Belena:
Al fin llegamos de gozo llenos
Zoriyon leku onetan,
Y nos hallamos postrados todos
Jaungoikoaren oñetan.

Le adoramos y le rogamos
Arren gaitzala urriki,
Le alabamos y le pedimos
Barkaziyoa umilki:
Nada ofrecemos, pues que sabemos
Bera dala egillea
De cielos, tierra, ángeles, hombres,
Dan guztiyaren jabea.

OTSASTECHOA.

Gure Jesus maitea
Jayo dan orduban,
Izar bat agertu da
Berriya Zeruban:
Guztiya da argiya
Bere inguruban,
Argiya begiyetan,
Argiya zentzuban.

Argi onen argiyan
Argi degu ikusi
Zer modutan aurrera
Bear degun bizi:
Lege berriya argi
Digu erakutsi,
Ta Jaunaren graziyan
Ipiñiyarazi.

Miragarritzko argi
Ta graziyarekin,
Bereala diyogu
Bideari ekiñ:
Gu izarrarekin ta
Izarra gurekin,
Jerusaleneraño
Beti alkarrekin.

Erri sonatu artan
Geranian sartu,
Eziñ izan ditugu
Begiyak argitu:
Zeren gure izarra
Zaigun ezkutatu,
Eta illundurikan
Geraden arkitu.

Erodesi aditu ta
 Naigabez beterik,
 Aruntza biyurtzeko
 Ez degu asmorik:
 Gaiztotasun arrena
 Guk ezaguturik,
 Bere aurrera joana
 Gaude damuturik.

Gero geradenian
 Andik ateratu,
 Gure zoriyon, poza
 Laster da berritu,
 Gure izar argiya
 Da berriz agertu,
 Oneraño berari
 Diyogu jarraitu.

Ona guk nai genduben
 Belengo erriya,
 Ona zoriyoneko
 Portale azpiya:
 Ona billatzen degun
 Aur jayo berriya,
 Ona emen Zeruba
 Lurrera jechiya.

Graziyaz ta doayez
 Beterik beingoan,
 Ama maite Mariya
 Ona non dagoan
 Bere Seme ederra
 Arturik besoan,
 Ona Aita-ordeko
 Joserren ondoan.

EUSKARICHOA.

Kristabak, berri onak,
 Doaya ta poza,
 Atsegin zorionez
 Naikeran bakoitza:
 Esker on aukeretan
 Beterik biotza,
 Zelebratu dezagun
 Jesusen jayotza.

ZORTZIKOAN ADORAZIYOA.

Aurcho jayo berriya,
 Zeruko lorea,
 Zure oñetan dago
 Melchor erregea:
 Eman dizu biotza,
 Eskaintzen urrea,
 Ez du bererik ezer,
 Guztiya zurea.

Jesus, zure aurrean
 Da Gaspar arkitzen,
 Zaitu adoratzen ta
 Zaitu alabatzen:
 Eskaintzen inzensuba,
 Biyotza ematen,
 Barkaziyoa eta
 Graziya eskatzen.

Mesias egiazko
Jabe on bakarra;
Jesus Zerubetatik
Jachitako aurra;
Baltasarren eskutik
Ar-ezazu mirra,
Eta indazu arren
Zure on eskerra.

Ona Jesus, gure Jaun
Zeruko aundiya,
Emen zure oñetan
Auspez ipiñiya,
Gizonaren lurreko
Aginte guztiya,
Galdez barkaziyoa,
Eskatzen graziya.

EUSKARICHOA.

Atozte ikustera,
Atozte jendeak,
Jesusaren oñetan
Iru Erregeak:
Emen berdintzen dira
Aberats, pobreak,
Berdiñak badirade
Gure birtuteak.

JOSÉ VICENTE DE ECHEGARAY.

